

Universal Declaration of Human Rights - Dinka, Northeastern

© 1996 – 2009 The Office of the High Commissioner for Human Rights

This HTML version prepared by the *UDHR in Unicode* project, <http://www.unicode.org/udhr>.

Yiith e raan ci caal e pinyinhöm

Ajokcok

Nä caa athëek tö e baai thök e thai yic gäm ku yithkën thonj tö e nyiinkën, kek aalau enhom ku thonj, ku dör e pinyinhom.

Ku nä ci yiith e raan mar ekoc nhiim, ku dhalkek bi kuoc lööi bëi epion e raanic, ku aye raan thök eben waai bi ben epinyinhom bi raan liëk e lau enhom e jamdeic, ku thëek yanhde, ku ci bën rioc, ku njɔɔ.

Ku na peth bi löön raan aaköuny, bi raan cii nyany e rin eköuc löui ye löui yën, ku tɛɛ enyin piny.

Ku nä ci wut ethai matyiic, yen gam e cök elöönjiic lön de raan yith tääm kua thëek, ku na thönj möc nhöm kék e tik e yithiic kua ci tääm bik röt aaköuny bi pir piath baai ku lëu yic.

Ku na ci bëi tö akutic gam bik ka cin mat kek akut e mawuut epinyinhom(UN), bik yith e raan ku lau enhöm kua thëek aatiit.

Ku na njic eben lön e yith kak ku lau enhöm alënj köuny dit kua thëk e gëm gëm ken yic.

Ka kut dit adhël.

cööt ecëël ken yic erin yith e raan, erin yën e tën eröm ethai eben thin, ku(UN), wic bi raan tic e ciënjic ku tëu ka nyiin piny ecëël ken yic, bi athëk eyith ku lau enhöm kak cök cökpiny edhöl epioc ku wëet ku cër cër ebaiyic ku pinyinhöm bi bik tiit. epiny nhöm eben ekëm ebëi tö akutic, ku thai awën rër tö eke cin.

Wiën 1

Raan thök eben aye dhëeth ka lau nhöm kua thönj nhiim eyithiic, kua thëkic, kua ci yëknhiethku puou, ku bik cënj ka ke ye mith etik.

Wien 2

Raan eben alënj yic bi liëk eyithiic ku lau enhömic ecëël kenic ka ci tëktëk ethök etiël ekuat, ku kit, kemen thai ku thök ku yanh ethëek ku wël ebai kmen wët dët löi e röt kemen bai ku ciënj bai kemen jëek ku dhëth kemen kuat etau dët löi e röt ka cin tëktëk ethök ekem mö ku tik.

Ku cit te wen ci yen luel, acin tiel tö e wel ebai yic ku löönj ku kem ebai ku ten wen rër eraan thin pan cënj kemen ci cëen kemen aci röt mac eröt, kemen tö eraan dët cin.

Wien 3

Raan thök eben alënj yic bi pir ku leu nhöm ku le laɲ.

Wien 4

Kuat eraan acii leu bi kool kemen bi loony kuat epec ku loony thok eben aci pëen.

Wien 5

Raan thok eben aciben e lëenj kemen bi köuc yön ci min elai, keme bi joor bi ci thëk.

Wien 6

Raan thok eben kuat et ci yen yok thin alëŋ yic bi gam ka ye raan lëŋyic elooŋiic.

Wien 7

Raan thok eben aathonj nhiim elooŋ nhiim, kua lën yic bi liek eköuny thonj nhöm ka cin tiel bi loonj kak tiit.

Wien 8

Raan thok eben alën yic bi luk ebanypanden nhiimbi yicde yok ci min eyith tuëŋ e loonj kek gam yen.

Wien 9

Ran thok eben aci leu bi döm kemen dampiny, kemen cöb ewëi baai edieny.

Wien 10

Raan thok eben alëŋ yic bi nhöm agit ka kəc kək, bi luŋde tiŋ elüok pathiic bi yek yicde ekəc nhiim ku kak ci gämrot, ku kuat emëny ci yen mëeny göup.

Wien 11

1. Kuat eraan ci mëeny, acin göup awuc yet te bi loŋ yen nyooth lon le yen göup awuc ekəc nhiim ku kony bi rot köuny bei.
2. Raan aci luk ewei erin eken ci löi kemen ci kuc bi löi, ke ce yen awuc ye loŋ ebaai nyooth, kemen loŋ epinyinhöm, te wen yen looi yen rot thin.

Wien 12

Acin raan ekëec epiŋ eraande yic, kemen pande ku yonde kua thorkeiic kemen bi dhəl ku rëc erin edieny, ku raan eben alëŋ yic bi loŋ köuny ekak cit ekak yiic.

Wien 13

1. Raan eben alëŋ yic bi cëëth te wic ku löc te den erëer eyan akeu thok eben ebaai yic.
2. Raan eben alëŋ yic bi la te wic epiny nhöm agut panden kua lën yic bi dhok thin.

Wien 14

1. Raan eben alëŋ yic bi kook pandet, kemen bi them bi kook thin ka kat eköuc ciëŋ.
2. Kuat eraan ci kaŋ yath elukic awuc ca awuc ewel ebaai kemen bi lui eke ce röm kek elooŋ (UN), acii lëŋ yic bi liek eyic ken yic.

Wien 15

1. Raan eben alëŋ yic bi rot yek anyööth lön eyen ran ebaai.
2. Aci leu bi raan pen wer erot edieny, kemen bi jai lön ci yende yic bi rot war.

Wien 16

1. Məc ku tik te ci kek roun ethëek dööt, aalëŋ yic bik ker ebəei ku löike mith ka cinic ale kemen yath kua lëŋ yiith thönj nyiin ethiëkic ku loui yic ku pök yic.

2. Thiëk ci loi ka kic ekɔc thiëk rot gām kua ci mēc ekek.

3. Mɔc ku tik kek aamaatic tueŋ ebaai, kua lēŋ yic bik liek eköuny baai ku baai nhöm.

Wien 17

1. Raan eben alēŋ yic bi lēŋ kede erot, kemen bi röm kek kɔc kok.

2. Aci leu bi raan pēec cin bēi ekake edieny.

Wien 18

Raan eben alēŋ yic bi tak ka lau nhöm popuonde, yanhde kua lēŋ yic bi yanhde waric kemen ke ye thëek kua lēŋ yic bi pioc ku yeknhöm ku nyooyh ku tiit ka thien keme ekɔc nhiim.

Wien 19

Raan eben alēŋ yic bi wetde luel ka lau nhöm kue yic ken egām ewel ka launhöm ka cin raan la thin ku y'ony ewel ku tektek ku cēel kek edhol ci takic ka ci luui aken ewuad.

Wien 20

1. Raan eben alēŋ yic bi met akutic kua kuut la lik.

2. Aci leu bi kuat eraan mat akut ci wic yic eriel.

Wien 21

1. Raan eben alɔeŋ yic bi lui miric panden bi kuany egai ekɔc ekuany.

2. Raan eben alēŋ yic bi lui ci min ekuat eraan lui baai.

3. Ke wic kɔc ebaai yen eya rie e mir. ku ke wic kɔc kene ekueny kuany bi kam bi yaa weenic ekuany aliklik ka kɔc thōŋ nhiim kemen bi loui te wen bi raan cuet ka lau nhöm.

Wien 22

Raan eben ka ye raan aakutt ekɔciic aalēŋ yic bi kõny ekɔc bai ku kɔc epinyinhöm ka cit te ye panden ye loui thin ku yith epirde ku cieŋ ku wēet ci rot pal athekde yic la tuēŋ ku thiek yicde.

Wien 23

1. Raan eben alēŋ yic bi lui ku kuany ka cit te wic e yen kua lēŋ yic bi kõny bi lui.

2. Raan eben alēŋ yic bi lui a riob thoŋ nhöm eloi yic ka ci yic tiel.

3. Raan eben alēŋ yic bi riob ariob ci gam bi rot muk apth ku juak ekak awen bi pirde cɔkpiny.

4. Raan eben alēŋ yic bi dit ku met akuic bi ka ke tiit koth.

Wien 24

Raan eben alēŋ yic bi lōŋ kemen bi cin lau ku nyoth enim ken eloi ku kol cin yen loi thin.

Wien 25

1. Kuat eraan alen yic bi pir ka piol goup ku mit puou ka pande ecampathic, kua leth ku ten enin ku ka wen ekoc kouny baai kua len yic bi pir cok nyinic ke cii yen lui, ku tuany, kemen ci bal ku leer kemen ci dhiob ku la kak awen epi mietic, ka leu yen cin thin.

2. Meth ku man alen yic bi kek kony ku muk kek apath ku mith eben athon nhiim bi kek tiit baai mith deth moc kek ku mith e lim.

Wien 26

1. Kuat eraan alen yic bi pioc kua dhil epioc epath tueen, ku pioc tueen adhil emac eya nhom, kua pioc etet ku loi loi ecin ku col pioc den la tueen apiolic, bi nhom thon ka jan.

2. Ku wet ke ku bi thiekic ku thek ka ye raan ku lau enhom la tueen e cien ku pelpiny ewel ku maath ekem e wuuut ku la kuut, ku kony thaai epinyinhom bi door muk.

3. Warken emith alen yic bik mithken wet cit te wicke.

Wien 27

1. Kuat eraan alen yic bi met ka lau nhom epi ekoc ebaai yic, ku bi liek etetic kua jueer erin ela tueen epioc ku bi kak bi ben bei yhin kec kouny.

2. Kuat eraan alen yic bi ka path ku cien ken epioc tiit.

Wien 28

Kuat eraan alen yic bi liek ecien ekoc epinyinhomic, bi yithke ku lau enhom ci nyooth ecel ken yic yok egai.

Wien 29

1. Raan eben adhil koc loui bi yen nyouth lon te yen ekociic bi dit ka lau nhom.

2. Raan eben adhil yithke thaap ka kacit te ci loon yen nyouth thin bigemgem e yith e koc koc, ku lau e nhomde kua thekden, ku jol aathon nhom e loi loi yiic, ku ka poth eyok eben ku jam aathæk ecien ekoc epaan ekec thon nhiim.

3. Aci rot kan leu ather bi yith kak thaap ka ce te wen wic thai epiny nhom ke thin.

Wien 30

Acin wet leu bi war kemen bi cokpiny e cel ken yic ku luel ala ka ci pan ken kemen raan ken aci looi bi lyiith ku lauenhom ci ben thin rac.
